

La Vidriera Irreverente – Sobre una chisla de cierzo

Podrán dictar-me leis y ensordar-me con himnos.
Podrán churar sinyals por a gracia de Dios.
Podrán pintar-me mapas en campos invadius.
Podrán herois y reis emplir totz os suyos libros
e imponer-me una patria a la que no canto yo.

A on que ubrié o primer cuento y prencipié a forchar suenyos.
A mía primer baralla. A on que aprendié a besar.
As piores resacas, os millors amigos,
os primers acordes, l'amor y lo ixubliu,
cuqueras, cicatrices y a calor d'un fogar.

D'encletar-me no prebetz, a mía tierra ye allá
a on que en plegar-ie sospiro y me miro ta zaga en marchar.

Muit frescas son as trazas de chirmans que marchoron
Clavaus son os punyals que o faixismo deixó
Lugars t'a remeranza, un futuro entibau
Masiaus barotz, suenyos de canya y bardo
Dios en misa de dotze, fambre en qualsquier cantón.


Tierra d'arena y cal, d'a nieu t'o desierto
chitas sal en as nafras dimpués de cubrir-las de besos.

Agora charro en a luenga, fabla d'os tuyos fillos
Pa que en morir-me sepas iste o mío testamento
Y en un tibio maitín, de claro amaneixer
mirando-me enta Levant, d'a tuca Sant Miguel
s'avienten as mías cenisas y cabalgando en o viento
s'espardan por a mía tierra sobre una chisla de Cierzo.

Y asinas dende Ariza dica Fraga, dende Canfranc t'Abechuela
soflar sobre as feridas que desangran ista tierra
Estar memoria d'os muertos ixublidaus en os fosals
fendo tranya a qui emigró pa que se'n pueda tornar.

Bufador d'as chamineras entre Chanovas y Ruesta
viento libre por os presos de Teruel, Daroca u Zuera
Huracán en Sant Gregorio que faiga callar disparos
limosna por a subasta de mantos y relicarios.

Trigo pa totz os miners pa quan se barrunte ausencia
arbol d'o campo d'Artieda que nomas ruixie a plevida
Chilo pa totz os que luitan, voz pa totz os que cayoron
canta en a mía luenga viva sobre una chisla de cierzo.



Letra y musica: Rubén Martínez Sánchez "Cambalacho" - Produccions Irreverents
Voz: Rubén Martínez "Cambalacho"
Guitarra acustica: Rubén Martínez "Cambalacho" y Carlos Sánchez
guitarras electricas y teclaus: Carlos Sánchez
Batería: Curro Llosa
Baixo: Carlos Herce
Piano: Adrián Navarro
Producida por Del Morán y La Vidriera Irreverente
Gravación y Mezcla por Del Morán
Gravada entre 2013 y 2017 en Bron's Home y Man's Cave, en Zaragoza



O Zaguer Chilo I
Asociación Cultural Nogará – Religada

